



Na osnovu člana 6 stava 2 Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, brojevi 19/07, 20/07, 2/08, 4/21 i 6/21) i Odluke Skupštine Brčko distrikta BiH o raspisivanju Javnog poziva za izbor i imenovanje jednog člana Pravosudne komisije Brčko distrikta BiH iz reda građana Brčko distrikta BiH, broj: 01-02-1997/24 od 9. aprila 2024. godine, Skupština Brčko distrikta BiH, objavljuje

JAVNI POZIV ZA IZBOR I IMENOVANJE JEDNOG ČLANA PRAVOSUDNE KOMISIJE BRČKO DISTRIKTA BiH IZ REDA GRAĐANA BRČKO DISTRIKTA BiH

Pozivaju se građani Brčko distrikta BiH da se prijave za izbor jednog člana Pravosudne komisije Brčko distrikta BiH (u daljnjem tekstu: Pravosudna komisija), na period od četiri (4) godine. Nadležnost i način rada Pravosudne komisije, kao i prava i obaveze članova Pravosudne komisije utvrđeni su Zakonom o Pravosudnoj komisiji Brčko distrikta BiH (u daljnjem tekstu: Zakon o Pravosudnoj komisiji).

Uslovi koje kandidat mora ispunjavati:

OPŠTI USLOVI:

- da je državljanin BiH;
- da ima prebivalište u Brčko distriktu BiH;
- da je punoljetan;
- da je zdravstveno sposoban za obavljanje dužnosti;
- da se protiv njega ne vodi krivični postupak;
- da nije pravosnažno osuđivan;
- da se na njega ne odnosi član IX stav 1 Ustava Bosne i Hercegovine;
- da u posljednje tri godine počevši od dana objavljivanja ovoga poziva nije otpušten iz državne službe u institucijama BiH, odnosno entiteta i službe Distrikta, zbog pravosnažno izrečene disciplinske mjere.

POSEBNI USLOVI (član 5 stav 4 Zakona o Pravosudnoj komisiji)

Članovi Pravosudne komisije su tri građanina Distrikta visokih profesionalnih i moralnih kvaliteta:

- a) koji nisu bili članovi političkih stranaka u četverogodišnjem periodu koji je prethodio njihovom imenovanju u Pravosudnu komisiju;
- b) koji nisu članovi političkih stranaka i nisu na bilo koji način uključeni u bilo kakvu političku aktivnost;
- c) koji nisu javni radnici ili službenici Distrikta, nisu zaposleni u Skupštini Distrikta, pravosuđu, kao ni članovi njihovog porodičnog domaćinstva.

Pod izrazom „javni radnik“ podrazumijevaju se svi zaposleni čija se plata isplaćuje iz budžeta Distrikta, i uključuje, ali se ne ograničava na savjetnike, konsultante, radnike stručnih službi Skupštine i administrativnih službi pravosuđa, kao i na direktore, članove rukovodećih organa i zaposlene u drugim institucijama Distrikta koje su osnovane zakonom.

PODNOŠENJE PRIJAVE

Uz prijavu s biografijom, potrebno je da kandidat dostavi sljedeću dokumentaciju:

1. uvjerenje o državljanstvu (ne starije od tri mjeseca);
2. dokaz o prebivalištu (ne stariji od tri mjeseca);

3. dokaz o završenom stepenu i vrsti stručne spreme, stručnom zvanju, odnosno stručnom nazivu;
4. dokaz o zaposlenju ili dokaz o statusu nezaposlenog lica, ukoliko je nezaposleno (ne starije od tri mjeseca);
5. svojeručno potpisanu i od nadležnog organa ovjerenu izjavu o nepostojanju smetnji iz člana IX stava 1 Ustava BiH (ne starije od tri mjeseca);
6. svojeručno potpisanu i od nadležnog organa ovjerenu izjavu da u posljednje tri godine, počevši od dana objavljivanja ovoga poziva, nije otpušten iz državne službe u institucijama BiH, odnosno entiteta i službe Distrikta, zbog pravosnažno izrečene disciplinske mjere (ne stariju od tri mjeseca);
7. svojeručno potpisanu i od nadležnog organa ovjerenu izjavu da ne postoje smetnje iz člana 5 stava 4 tačaka a), b) i c) Zakona o Pravosudnoj komisiji (ne stariju od tri mjeseca);
8. kućnu listu.

Kandidati podnose prijavu lično u zgradu Skupštine Brčko distrikta BiH u prijemnu kancelariju ili poštom na adresu: Skupština Brčko distrikta BiH – Komisija za izbor i imenovanje i mandatno-imunitetska komisija, Ulica Mladena Maglova broj 2, 76100 Brčko, s naznakom:

„PRIJAVA NA JAVNI POZIV ZA IZBOR I IMENOVANJE JEDNOG ČLANA PRAVOSUDNE KOMISIJE BRČKO DISTRIKTA BiH IZ REDA GRAĐANA BRČKO DISTRIKTA BiH – NE OTVARAJ“.
OBJAVLJIVANJE JAVNOG POZIVA

Javni poziv je otvoren petnaest (15) dana od dana objavljivanja u Službenom glasniku Brčko distrikta BiH, na internet-stranici Skupštine Brčko distrikta BiH (www.skupstinabd.ba) i oglasnoj tabli Skupštine.

Komisija za izbor i imenovanje i mandatno-imunitetska komisija Skupštine Brčko distrikta BiH izvršit će odabir prijavljenih kandidata.

S kandidatima koji ispunjavaju propisane uslove bit će obavljen intervju. Mjesto i termin intervjua bit će objavljeni na oglasnoj tabli Skupštine Brčko distrikta BiH i internet-stranici Skupštine Brčko distrikta BiH (www.skupstinabd.ba).

Nakon sprovedenog intervjua Komisija za izbor i imenovanje i mandatno-imunitetska komisija Skupštine Brčko distrikta BiH će obavijestiti najbolje rangiranog kandidata s rang-liste, da u roku od pet (5) dana od dana obavještenja dostavi uvjerenje o zdravstvenoj sposobnosti (ne starije od tri mjeseca), uvjerenje da se protiv kandidata ne vodi krivični postupak (ne starije od tri mjeseca) i uvjerenje da kandidat nije pravosnažno osuđivan za vršenje krivičnih djela (ne starije od tri mjeseca).

Nakon sprovedenog intervjua Komisija za izbor i imenovanje i mandatno-imunitetska komisija Skupštine Brčko distrikta BiH dat će preporuku Skupštini Brčko distrikta BiH za imenovanje.

NAPOMENA

Za diplome koje su stečene u inostranstvu nakon 6. aprila 1992. godine potrebna je nostrifikacija.

Nepravovremene i nepotpune prijave neće biti razmatrane.

Broj: 01-02-1997-1/24

Brčko, 9. 4. 2024. godine

PREDSJEDNIK
SKUPŠTINE BRČKO DISTRIKTA BiH

mr. sci. Siniša Milić

